



Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Elegia I. B. Virgo Elisabetham, & Puer puerum inuisit. Ad Elisabetham.

[urn:nbn:de:hbz:466:1-70001](#)

ELEGIAE

De S. Ioanne Baptista.

LIBER I.

EXULTATIO

S. IOANNIS IN VTERO.

Elegia I.

B. Virgo Elisabetham, & Puer
puerum inuisit.

AD ELISABETHAM.

An te diu tristes, hilares nunc clarior horas
Consecrat in partum Cynthia sexta ruum;
Aduehit illa decus nineis tam nobile bigis,
Inuideat Lunæ sol id ut ipse suæ.
Nempe gradu propiore suam quam tangit, Elisam
Virgo parens pulchri muneris auctor adit.
Scilicet infuctæ vouet omnia mira salutis;
Fertque nouum puerο, ceu pia mater opem.
Iamque volat, volucremque rapit quasi caprea cursum,
Non mora, non requies, non petra tardat iter,
Saxa per aspra ruit, per & ardua, perque fragosa
Telaqua, giganteo facta superba solo.
Nam leuior Zephyris, leuiorque fugace carinā,
Ac Aquilæ pennis ocyor errat Amor,
Quique oculo est radius, mentique celerrimus ardor;
Dic, Amor est alis & vigor iste meis.
Virgo viden' rapidis sibi quas puer addidit, alis
Aduolat aguatos visere lœta teros.
Illa quidem puerum gerit; at leue pondus cuncti,
Nam puer ipse leuat grande laboris onus.

P

Hinc

Hinc agili volitat pede virgo simillima ceruꝝ.
 Quem dare frena putas, pugno calcar agit.
 Quippe puer matri, pueri sine pondere pondus.
 Dic, ubi flos ramum prægrauat ipse suum?

Elegia 2.

Ioannis adhuc rei querela, peccati
 agnati expiatio & ardor vtero
 materno erumpendi, vt
 Christum adeat.

Ah! puer infelix primæui criminis heres,
 Cui scelus est nasci, cætera vita mori!
 Cur ego non natus, vincis innascor, & orco?
 Ut quid adhuc viuam; mors cui partus erit?
 Non merui, & grave crimen Aius meruisse nepotem
 Cogit, & in pænas imperat ire suas.
 Hinc æquæua reo succreuit echidna nepoti,
 Quam genuit primo criminè fœtus Aius.
 Hinc vel abusque rudi vinxit dolor improbus ortu,
 Morisque catenatâ compede vincita tener.
 Damnatusque prius quam natus is aggemit orco.
 Sic mihi visus eras parvule velle queri.
 Et quem non ea sors nocuâ prædamnat in alio?
 Teque adeò fontis quem scelus virget aui.
 Sed bene consuluit primis spes alma querelis.
 Publica mors alijs, sit tibi priua salus.
 Esto, cauâ paries nunc diuidat inuidus alio;
 Et geminâ dispar claudat vtrumque domo:
 Sic tamen absentem IESVS contingit alumnū.
 Quò pes ire nequit, dextra medentis adit,
 Fratris enim gremio concretam è crimine pestem
 Eximit, & medico diluit imbre scelus,
 Seu potius labem sacer expiat ignis ocelli,
 Exuritque reis arra venena fibris.
 Et nigra corda sacrâ face lustrat, & imbuit igne
 Calice, quo purus luceat inde decor.

Aliens